

四庫全書

史部

欽定四庫全書

史部

欽定續文獻通考卷五十六

編修_臣 翟槐覆勘

總校官內閣中書_臣 孫溶

欽定四庫全書

欽定續文獻通考卷五十六

職官考

太府監

元度支
監附

臣等謹按宋以前俱稱太府寺今考遼金元皆改名監故從後名

宋太府寺官有卿少卿各一人丞主簿各二人

臣等謹按太府寺職掌及所隸官司前考已備而

未詳員數故從職官志補輯又志載有左藏南庫

係樁管御前
激賞庫改以待從官提領又提轄檢察官一人

編估局打套局二局係揀選市舶香藥雜
物等第會其直以待貿易寄樁庫

掌發賣香藥疋帛拘
其直歸於左藏南庫監官提領二人雖不詳何時

所置殆屬嘉定以後皆前考所未及詳者

遼南面太府監官有太監少監監丞主簿

金太府監掌出納邦國財用錢穀之事官有監少監又

丞二人

所屬左藏庫官有使副使掌金銀珠玉寶貨錢幣

右藏庫使副使掌錦帛絲綿毛褐諸道常課諸色雜

物

支應所

又作支水所

都監二人掌宮中出入御前支

賜金銀幣帛

衛紹王大安三年省

太倉使副使掌九穀廩藏

出納之事

酒坊使副使掌醞造御酒及支用諸色

酒醴

典給署

本鈞盾署

章宗明昌三年更令

舊曰鈞盾使

丞

舊曰鈞盾副使

掌宮中所用薪炭冰燭并管官戶直長一人

市買司

海陵天德二年改為市買局

使副使掌收買官中所用

果實生料諸物平準務使副使勾當官六人

宣宗元光二年

五月設

十月罷

元太府監領左右藏等庫掌錢帛出納之數官有太卿
太監各六人少監丞各五人經歷知事照磨各一人

世祖中統四年置至元四年為宣徽太府監凡內府
藏庫悉隸焉成祖大德九年改為院院判叅用官者
武宗至大四年復為監定置如上

所屬內藏庫掌出納御用諸王緞疋納失失紗羅絨

錦南綿香貨諸物提點四人大使副使各三人

順帝至正

二年置署上都十九年始署大都以宦者領之復有行內藏二十八年省止存內藏及左右二庫

右藏提點四人大使副使各二人掌收支金銀寶鈔

只孫段足水晶瑪瑙玉璞諸物

世祖至元十九年置

左藏官

同右藏掌收支常課和買紗羅布絹絲綿絨錦木綿

鋪陳衣服諸物

至元十九年置

又有度支監掌給馬駝芻粟官有卿及太監少監各三人監丞二人經歷二人知事一人提控案牘照磨兼管

勾各一人

國初置博克遜至元八年以重臣領之十三年以宣徽院兼其任至大二年改立度支院四年改為監

明不設太府監

少府監

臣等謹按馬端臨考少府監叙於殿中監之次今以類相從移載於此宋史職官志所載少府監官制已詳前考

遼南面少府監官有太監少監監丞主簿

臣等謹按王圻續通考謂遼南面少府事寄於殿中司而少府監不設今考遼史百官志實有少府監名諸監職名總目內具載其官并云興宗景福元年見少府監馬憚不知圻所云何據也

金少府監掌邦國百工營造之事官有監少監又丞二人

所屬尚方署官有令丞直長掌造金銀器物亭帳車

輿牀榻簾席鞍轡傘扇及裝釘之事

世宗大定二十
年令不專除人

令人

圖畫署

明昌七年省
入祇應司

官同掌圖畫縷金

裁

兼

造署官同掌造龍鳳車具亭帳鋪陳諸物宮中隨位

牀榻屏風簾額條結等及陵廟諸物并省臺部內所

用物 文繡署官同掌繡造御用并妃嬪等服飾及

燭籠照道花卉

繡工一人都繡頭一人副繡頭四人
女四百九十六人內上等七十人次

等凡四各
二十六人

織染署官同掌織絳色染諸供御及宮

中錦綺幣帛紗縠

文思署

明昌七年省
入祇應司

官同掌造

內外局分印各傘浮圖金銀等尚輦儀鸞局車具亭
帳之物并三國生日等禮物織染文繡兩署金線

明昌

三年
省

元以大都留守司兼本路都總管知少府監事

至元十九年罷宮殿府行工部置此官二十一年并
歸留守司皇慶元年別置少府監延祐七年罷復以

留守兼監事

互見留守司

臣等謹按王圻續通考謂少府官屬多詳於留守

司而中尚監乃特立者外又勑章佩監皆少府事
故附入焉若利用監則圻附於太府後今考利用
中尚章佩三監實與少府同故俱附於左

利用監掌出納皮貨衣物之事官有卿八人太監少監
各五人監丞四人經歷知事照磨管勾各一人

至元十年置二十年罷二十六年復置大德十一年
改為院至大四年復為監

所屬資用庫官有提點二人大使三人副使五人

至元

二年置隸太府
十年隸利用

齊哩克昆皮局人匠提舉司提舉

二人同提舉一人提控案牘各一人

中統元年置局
至元六年改提

舉司

雜造雙線局造內府皮貨鷹帽等物大使副使

直長典史各一人 熟皮局掌每歲熟造野獸皮貨

等物大使副使直長各一人

至元二十年置

軟皮局掌內

府細色銀鼠野獸諸色皮貨大使副使直長各一人

至元二十年置

斜皮局掌每歲熟造內府各色野馬皮

勝副使一人

至正二十年置

貂鼠局提舉司提舉同提舉

副提舉各一人

至元二十年置

副使二人直長一人

至元九年置

染局副使直長管勾各一人掌每歲變染皮貨

至元

二十年

始置

中尚監掌大鄂爾多位下齊哩克昆諸務及領資成庫
擅作供內府陳設帳房帟幕車輿雨衣之用官有卿八
人太監少監監丞各二人經歷知事照磨各一人

至元十五年置尚用監二十年罷二十四年改置中

尚監三十年分置兩都灤河三庫齊哩克昆雜造等

九司局而總領之至大元年升為院四年復為監參用宦者三人

所屬資成庫掌造糧貨提點大使副使各三人

至元二年

置隸大府二十三年始歸於監

章佩監掌宦者舒庫爾齊所收御服寶帶官有卿五人太監四人少監監丞各二人經歷知事照磨各一人

至元二十二年置至大元年升為院四年復為監定置如上

所屬御帶庫掌繫腰偏束等帶併條環諸物供奉御

用以備賜予官有提點大使各三人副使二人

至元二十

八年置俱以中官為之成宗元貞二年增二人兼署上都之事

異珍庫掌御用珍

寶后妃公主首飾寶貝提點大使各三人副使二人

至元二十

八年置

明不設少府監

秘書監

臣

等謹按馬端臨考宋以前秘書或稱監或稱省

至宋則以省名署以監名官遼金元明則皆曰監
焉

宋秘書省官有監少監丞各一人

其屬著作郎一人著作佐郎二人秘書郎二人校書
郎四人正字二人

臣等謹按以上員數補馬端臨考所未載若其職

掌則前考詳矣然亦有未及備者職官志載歲於
仲夏曝書則給酒食費尚書學士侍郎待制兩省

諫官御史並赴遇庚伏則前期遣中使諭旨聽以
早歸大典禮則長貳預集議所以待儒臣非他司
比宴設賜予率循故事哲宗元祐三年二月詔御
試唱名日秘書丞至正字升殿侍立徽宗正和五
年四月駕朝獻景靈宮還幸秘書省詔曰歷覽藏
書之府祖宗遺文在焉屋宇淺狹不稱太平石文
之盛宜重行修展八月詔秘書省移於新左藏庫
以其地為堂七年詔類集所訪遺書名曰秘書總

目高宗紹興初採求闕文補綴漏逸四庫書畧備
即秘書省復建史館以修神宗哲宗實錄選本省
官兼檢討校勘以待從官充修撰五年又移史館
於省之側別為一所以增重其事九年詔著作局
惟修日歷遇修國史則開國史院遇修實錄則開
實錄院以正名實十三年詔復每歲曝書會各新
省成置編定書籍官二人以校書郎正字充孝宗
隆興後員額不常

詳馬端臨考

光宗紹熙二年館職闕

人令召試二人謹加審擇取學問議論平正之人自是監丞外多止除二人又載有日歷所編修院國史案隸秘書省歸併不常會要所則以省官

通任其事

紹興九年詔秘書省官讐校國朝會要逐官添給茶湯錢乾道四年詔尚書右僕射陳俊卿兼提舉編修國朝會要每遇提舉官開院過局就本省道山堂聚呈文字提舉諸司官承受官主管諸司官並令國史日歷所官兼五年令本省再加刑定以續修國史會要為名九年秘書少監陳騭言編類建炎以後會要成名中興會要其後接續修纂並隸秘書省

若國史

實錄院雖淳熙三年特命李燾以秘書監權同修

國史并實錄院同修撰然非隸於省者也

遼南面秘書監官有太監少監監丞主簿又有秘書郎
秘書郎正字

所屬著作局官有著作郎著作佐郎校書郎

聖宗統和中楊

佶嘗居此職

校書正字

金秘書監掌經籍圖書官有監少監監丞各一人秘書

郎二人

章宗泰和元年定

又校書郎一人

承安五年二人泰和五年以翰林院官兼

大安二年省一人

專掌校勘在監文翰

所屬著作局掌修日歷官有著作郎著作佐郎各一

人

熙宗皇統六年著作局設著作郎佐郎各二人編修日歷以學士院兼領之

筆硯局

掌御用筆硯等事官有直長二人泰和七年以女直

應奉兼

舊名筆硯令史大定三年改為筆硯供奉以避諱改為承奉

書畫局掌

御用書畫紙札官有直長一人都監二人或一人

司天臺

詳司天監

元秘書監掌歷代圖籍并陰陽禁書官有卿四人太監

少監監丞各二人典簿一人

所屬有著作郎著作佐郎秘書郎校書郎各二人辨
驗書畫直長一人

至元九年置其監丞皆用大臣奏薦選世家名臣子
弟為之大德九年給銀印仁宗延祐元年定置卿四
人叅用宦者二人

又藝文監掌以國語敷澤儒書及儒書之合校讐者俾
兼治之官有太監檢校書籍事少監同檢校書籍監丞
參檢校書籍各二人典簿照磨各一人

所屬有監書博士掌品定書畫擇朝臣之博識者為之博士二人又藝林庫掌藏貯書籍有提點大使副使各一人又廣成局掌傳刻經籍及印造之事大使副使各一人直長二人

臣等謹按元史百官志藝文監及所屬俱文宗天歷二年置順帝至元二年改為崇文監至正元年令翰林國史院領之本列於奎章閣學士院後今以類相屬故列於此

明秘書監掌內府書籍設令一人丞直長各二人

太祖洪武三年置十三年併入翰林院典籍

臣等謹按明史職官志有承敕監

洪武十年中書舍人與給事中

皆隸

司文監

洪武九年置十年罷

考功監

洪武八年置十八年罷

參掌

給授誥敕之事與秘書監名雖相似而實不同也

司天監

遼南面司天監官有太史令有司厯靈臺郎挈壺正五官正丞主簿五官靈臺郎保章正司厯監候挈壺正司

辰刻漏博士典鐘典鼓

金司天臺隸秘書監掌天文歷數風雲氣色審以奏聞
官有提點監少監判官

教授二人哀宗正大初省一人

係籍學生七十六人漢人五十人女直二

十六人試

司天管勾

不限資考員數隨科十人
設一人以藝業尤精者充長行

人五十人

未授職業者
試補管勾

天文科女直漢人各六人算

歷科八人三式科四人測驗科八人漏刻科二十五

人
銅儀法物舊在法物庫海陵貞元二年始付本臺

元司天監掌凡歷象之事官有提點一人司天監三人
少監五人丞四人知事一人

所屬提學教授學正各二人天文科算歷科三式科
測驗科漏刻科各管勾二人陰陽管勾一人押宿官
二人司辰官八人天文生七十五人

初中統元年因金人舊制立司天臺設官屬至元八
年上都承應闕官增置行司天監十五年別置太
史院與臺並立頒歷之政歸院學校之設隸臺二十

三年置行監二十七年又立行少監

回回司天監掌觀象衍歷官有提點一人司天監三人
少監監丞各二人知事一人

所屬教授一人天文算歷三式測驗漏刻等科各管
勾一人陰陽人一十八人

初世祖在潛邸時有旨徵回回為星學者扎瑪里鼎
等以其藝進未有官署至元八年始置司天臺十七
年置行監仁宗皇慶元年改為監延祐元年置司天

監二年命校書卿提調監事

太史院掌天文歷數之事官有院使五人同知僉院同
僉院判各二人又經歷都事管勾各一人

所屬春官兼夏官正秋官兼冬官中官正各一人保
章正五人靈臺郎一人保章副五人掌歷校書郎各
二人監候六人挈壺正教授學正各一人各省司歷
十二人副監候六人司辰郎二人腹裏印歷管勾一
人各省印歷管勾二人學正一人星歷生四十四人

燈漏直長一人

至元十五年始立院置太史令等官各一人至大元年設官十人延祐三年設官十五人後定置官如上

臣等謹按元史至元二十八年夏六月始置諸路

陰陽學設教授以訓誨通曉陰陽之人延祐初令於路府州設教授員凡陰陽人皆管轄之而上屬於太史詳見選舉門

明欽天監掌察天文定歷數占候推步之事凡日月星

辰風雲氣色率其屬而測候焉有變異密疏以聞官有
監正一人監副二人

所屬有主簿廳主簿春夏中秋冬官正各一人五官

靈臺郎八人

後革
四人

五官保章正三人

後革
一人

五官挈壺

正二人

後革
一人

五官監候三人

後革
一人

五官司歷二人五

官司辰八人

後革
六人

漏刻博士六人

後革
五人

凡習業分四科曰天文曰漏刻曰回回曰歷日自五
官正下至天文生陰陽人各分科肄業每歲冬至日

呈奏明歲大統歷

憲宗成化十五年改頒明歲歷於十月朔日

移送禮部

頒行其御覽月令歷七政躔度歷六壬遁甲歷及四

季天象錄並先期進呈凡歷註御歷三十事

如祭祀頒詔行幸等

類

民歷三十二事壬遁歷七十二事凡祭日前一年

會選以進移知太常凡營建征討冠婚山陵之事則

選地而擇日立春則預候氣於東郊大朝賀設定時

鼓於門樓漏刻報時司辰鷄唱各供其事日月交食

先期算其分杪時刻起復方位以聞下禮部移內外

諸司救之仍按占書條奏

若食不及一分與回回歷雖食一分以上則奏而不

救

監官毋得改他官子孫毋得徙他業乏人則移禮

部訪取而試用焉五官正推歷法定四時司歷監候
佐之靈臺郎辨日月星辰之躔次分野以占候天文
之變觀象臺四面面四天文生輪司測候保章正專
志天文之變定其吉凶之占挈壺正知刻漏孔壺為
漏浮箭為刻以考中星昏旦之次漏刻博士定時以
漏換時以牌報更以鼓警辰昏以鐘鼓司辰佐之明

初即置太史監設太史令通判太史監事僉判太史
監事校事郎五官正靈臺郎保章正副挈壺正掌厯
管勾等官吳元年改監為院洪武元年改太史院為
司天監設監令一人少監二人監丞主簿主事各一
人五官正五官副各五人靈臺郎保章正各二人監
候三人司辰八人漏刻博士六人又置回回司天監
設監令一人少監監丞各二人三年改司天監為欽
天監四年詔監官職專司天非特旨不得升調十四

年加丞一人

屬官五官正以下
員數如前所列

二十二年改令為監

正丞為監副三十一年罷回回欽天監以其厯法隸

本監明初又置稽疑司以掌卜筮未幾罷

洪武十七
年置稽疑

司設司令左右丞各一人

屬官司筮無定員尋罷

南京欽天監監正監副主簿五官正各一人五官靈臺

郎二人五官監候五官司厯各一人

又各路陰陽學府正術一人州典術一人縣訓術一

人亦洪武十七年置設官不給祿

殿中監

臣等謹按馬端臨考叙殿中監於秘書監之次其官有監有丞其屬有尚食尚藥尚衣尚舍尚乘等局各局之官有奉御直長宋殿中省已詳前考遼南面官殿中司隸御史臺有殿中之官金殿中省之職多領於殿前都點檢司及宣徽院元不設殿中省置侍正府明內廷近侍之事俱屬內侍不設省監以上已分見於各門茲不重載

將作監

宋哲宗元祐七年詔頒將作監修成營造法式

八年又詔本監營造檢計畢長貳隨事給限丞簿覆
檢元符元年從三省言將作監主簿二員以先到任
一員改充幹當公事候成資替罷

徽宗宣和五年詔罷營造所歸將作監

職官志歲以二月治溝渠通壅塞乘興行幸則預

戒有司潔除均布黃道

餘詳馬
端臨考

遼器物局官有使副使都林牙

南面將作監官有太監少監監丞主簿

金不設將作監

元將作院掌成造金玉珠翠犀象寶貝冠佩器皿織造刺繡段疋紗羅異樣百色造作官有使七人同知同僉院判各二人又經歷都事照磨管勾各一人

至元三十年始置後定官如前

所屬諸路金玉工匠總管府掌造寶貝金玉冠帽繫

腰束帶金銀器皿并總諸司局事

中統二年
初立金玉局
至元三年改

總管府

達魯噶齊總管副達魯噶齊同知副總管各二

人經歷知事照磨管勾各一人其屬二十一

玉局提舉司提

舉同提舉副提舉各一人中統二年置局至元十五

年改提舉司金銀器皿提舉司提舉同提舉副提

舉吏目各一人至元十五年置局二十四年改為提

舉司瑪瑙提舉司提舉同提舉吏目各一人至元

九年置十五年改立提舉司陽山瑪瑙提舉司至

元十五年置提舉同提舉副提舉各一人金絲子

局大使副使直長各一人中統二年設二局二十四

年併為一經帶斜皮局至元十五年置大使副使

各一人璫玉局至元十五年置大使一人浮梁

磁局掌燒造磁器并漆造馬尾梭藤笠帽等事至元

十五年置大使副使各一人 畫局掌描造諸色樣
製至元十五年置大使一人 管領珠子民匠官掌
採撈蛤珠於楊村直沽等處中統二年立管領官子
孫世襲 裝釘局至元十五年置大使一人 大小
雕木局至元十五年置大使一人 宣德隆興等處
瑪瑙人匠提舉司至元十五年置提舉副提舉各一
人 溫犀玳瑁局至元十五年置大使一人 上都
金銀器盆局至元十六年置大使副使直長各一人
漆紬冠冕局至元十五年置大使副使各一人
大同路採砂所管領大同路撥到民一百六戶歲採
磨玉夏水砂二百石起運大都以給玉工磨礪之用
至元十六年置大使一人 管匠都提領所掌金玉
府諸人匠詞訟至元十三年置都提領一人 監造
諸般寶貝官至元二十一年置達魯噶齊二人 牧
支諸物庫至元十五年置大使副使各一人 行諸
路金玉人匠總管府至大間始置於杭州路達魯噶

齊總管同知副總管經歷

知事提控案牘各一人

異樣局總管府

中統二年立提

點所至元六年改為總管府

達魯噶齊總管同知副總管經歷知

事各一人其屬四

異樣紋繡提舉司中統二年立局至元十四年改提舉司提舉同提

舉副提舉各一人

綾綿織染提舉司至元二十四

年改局置提舉司

紗羅提舉司至元十二年改局

置提舉司官並同上 紗金顏料總

庫中統二年置大使副使各一人

大都等路民

匠總管府總管同知副總管經歷知事提控案牘各

一人其屬六

備章總院大使副使各一人至元十三年省併楊蘭等八局為總局 尚衣局

至元二年置達魯噶齊提舉同提舉副提舉都目各一人 御衣局至元二年置官同上 御衣史道安

局至元二年置以史道安掌其職因以名之大使副使各一人高麗提舉司至元二十二年置提舉一人織佛像提舉司延祐四年改提舉所為提舉司提舉副提舉各一人

明將作司

吳元年置洪武元年以將作司隸工部

詳工部門

國子監

明衍聖公附

遼南面上京國子監

太祖置

官有祭酒司業監丞主

簿

所屬國子學有博士助教

臣等謹按遼史百官志中京亦有國子監設官與上京同南京學亦曰南京太學云

金國子監官有祭酒司業掌學校丞二人

明昌二年增一人兼提控

女直學

所隸國子學官有博士二人分掌教授生員考藝業

太學同明昌二年添女直一人
泰和四年減大安二年並罷

助教二人

女直漢人各一人

教授四人分掌教誨諸生國子校勘掌校勘文字國

子書寫官掌書寫實錄又有太學官有博士四人

大安

二年減
二人

助教四人

元國子監屬集賢院

凡國子監元門道教授陰陽祭祀占卜祭通之事悉隸焉

掌學

之教令祭酒一人司業二人

皆德尊望重者為之

監丞一人專領

監務典簿一人

至元初以許衡為集賢館太學士國子祭酒教國子

與蒙古大姓四集賽人員選七品以上朝官子孫為

國子生隨朝三品以上官得舉凡民之俊秀者入學

為陪堂生伴讀二十四年始置監

又國子學官有博士二人掌教授生徒考較儒人著述教官所業文字助教四人分教各齋生員大德八年為分職上都增置助教學正學錄各二人督習課業典給一人掌生員膳食

又有興文署官有署令一人以翰林修撰兼署丞一人以翰林應奉兼英宗至治二年罷置典簿一人掌提調諸生飲膳與凡文牘簿書之事

又蒙古國子監屬蒙古翰林院官有祭酒一人司業二

人監丞一人

至元十四年始立置司業一人二十九年准漢人國學例置祭酒司業監丞後定置官如前

又蒙古國子學官有博士助教教授學正學錄各二人掌教習諸生於隨朝百官集賢台蒙古漢人官員家選子弟俊秀者入學至元八年置官五人後以每歲從駕上都教習事繁設官員少增學正學錄各二人三十一年增助教一人典給一人後定置博士二

人助教教授各二人學正學錄各二人

又回回國子監學

見翰林兼國史院內

延祐元年別置

臣等謹按元史初集賢與翰林國史院同一官署
後分兩院右國子學興文署蒙古國子學皆與國
子監分屬於兩院非監中屬官也又至元二十四
年既立國學以故孔子廟為京學而提舉學事者
仍以國子祭酒繫銜云

明國子監掌國學諸生訓導之政令官有祭酒司業各一人

其屬繩愆廳監丞一人博士廳五經博士五人率性修道誠心正義崇志廣業六堂助教十五人學正十人學錄七人典簿廳典簿一人典籍廳典籍一人掌饌廳掌饌二人

凡舉人貢生官生恩生功生例生土官外國生幼勲臣及勲戚大臣子弟之入監者奉監規而訓課之有

不率者扑以夏楚不悛徙謫之其率教者有升堂積
分超格叙用之法課業倣書季呈翰林院考校文冊
歲終奏上每歲仲春秋上丁遣大臣祀先師則總其
禮儀車駕幸學則執經坐講新進士釋褐則坐而受
拜監丞掌繩愆廳之事以參領監務堅明其約束諸
師生有過及廩膳不潔並糾懲之而書之於集愆冊
博士掌分經講授而時其考課凡經以易詩書春秋
禮記人專一經大學中庸論語孟子兼習之助教學

正學錄掌六堂之訓誨士子肄業本堂則為講說經義文字導約之以規矩典簿典文移金錢出納支受典籍典書籍掌饌掌飲饌

明初即置國子學設博士助教學正學錄典樂典書典膳等官吳元年定國子學官制增設祭酒司業典簿洪武八年又置中都國子學命國子學分官領之十三年改典膳為掌饌十五年改為國子監設祭酒司業監丞典簿各一人博士三人助教十六人學正

學錄各三人掌饌一人中都國子監制亦如之二十四年更定中都國子監設祭酒司業監丞典簿博士學正學錄掌饌各一人助教二人二十六年罷中都國子監惠帝建文中升監丞為堂上官革學正學錄成祖復舊制永樂元年置國子監於北京設祭酒司業監丞典簿博士學正學錄掌饌各一人助教二人宣宗宣德九年省司業孝宗弘治十五年復設明初祭酒司業擇有學行者任之後皆由翰林院官遷轉

衍聖公孔氏世襲其屬掌書典籍司業知印奏差書

寫各一人曲阜知縣孔氏世襲翰林院世襲五經博

士孔氏二人顏氏曾氏仲氏孟氏周氏各一人程氏

二人邵氏張氏各一人朱氏二人劉氏一人

景泰七年授誠

意伯基七世孫祿後輩

教授司教授學錄學司孔顏曾孟四氏

各一人又尼山洙泗二書院各學錄一人先是元代

封孔氏後裔為衍聖公賜三品印洪武元年太祖授

秩二品賜銀印永樂二十二年賜衍聖公宅於京師

加一品金織衣英宗正統元年詔選周程張朱諸儒子孫聰明俊秀可教養者不拘名數送所在儒學讀書仍廩饌成化元年給孔顏孟三氏學印令三年貢有學行者一人入國子監六年命衍聖公始襲者在

監讀書一年

互見學校考

軍器監

金軍器監掌修治邦國戎器之事官有監少監丞直長章宗承安二年設泰和四年罷復并甲坊利器兩署

為軍器署置令丞直長隸兵部衛紹王至寧元年復置如前

所屬軍器庫至寧元年隸大興府宣宗貞祐三年改屬官有使副使掌收支河南一路并在京所造常課

橫添和買軍器

大定五年設

甲坊署舊置令丞直長

泰和

四年廢

利器置本都作院宣宗興定二年更今名有

令丞直長掌修弓弩刀槊之事

又有八作左右院使副使掌收軍需軍器軍器庫使

副使掌甲冑兵仗作院使副使掌監造軍器兼管從
囚判院事都監一人掌收支之事皆不隸軍器監
元武備寺掌繕治戎器兼典受給卿四人同判六人少
卿四人丞四人又經歷知事照磨兼提控案牘承發架
閣庫管勾各一人辨驗弓矢筋角翎毛等官各二人
至元五年立軍器監二十年改為武備監隸衛尉院
二十一年改監為寺與衛尉並立其所轄屬官則自
為選擇其匠戶之能者任之

所屬壽武庫提點大使各二人副使四人

至元十年以衣甲庫

改置利器庫提點三人大使副使各二人

至元五年立軍器庫

十年通掌隨路軍器改利器庫

廣勝庫掌平陽太原等處歲造兵

器以給北邊征戍軍需達魯噶齊大使副使各一人

大同路軍器人匠提舉司達魯噶齊提舉同提舉

副提舉各一人其屬七

豐州甲局應州甲局平地縣甲局山陰縣甲局各院長一

人豐州弓局使一人白登縣甲局賽富鼎弓局各頭目一人

平陽路軍器人匠

提舉司設官同上其屬二

本路投下雜造局大使副使各一人絳州甲局大使

一 保定軍器人匠提舉司設官同上其屬三

河間
甲局

新州安平縣甲局各院長
一人陵州箭局頭目一人

真定路軍器人匠提舉

司設官同上其屬一

冀州甲局
院長一人

大都弓匠提舉司

設官同上其屬三

雙搭弓局成格勒弓局各大使
副使一人通州弓局院長一人

蔚州人匠提舉司

宣德府軍器人匠提舉司 東

平等路軍器人匠提舉司

通州甲匠提舉司 薊

州甲匠提舉司

大都甲匠提舉司

大寧路軍器

人匠提舉司俱設官同上

上都甲匠提舉司達魯

噶齊提舉同提舉各一人其屬四

興州白局子甲局
興州千戶寨甲局

松州五指崖甲局松州勝

安甲局各設院長一人

遼河等處諸色人匠司

設官同上其屬二

遼蓋弓局大使副使各一人
蓋州甲局局使一人

太原

路軍器人匠局達嚕噶齊局使副使吏目各一人

豐州雜造局達嚕噶齊大使副使各一人 咸平府

軍器人匠局

隆興路軍器人匠局

至元三十一年置俱設官

同上 懷孟河南等路軍器人匠局局使局副各一

人其屬

懷孟路弓局
院長一人

汴梁路軍器局設官同上其

屬二

常課弓局甲局
各設院長一人

彰德軍器人匠局大使副使

各一人

大名軍器局

上都雜造局

奉聖州軍

器局

許州軍器局

大都弦局

至元三十年改
提舉司置局

平灤路軍器人匠局

至元三十
年置

俱設官同上

益都濟

南箭局局使一人

大都雜造局提領二人

元貞二
年置

廣平路甲局院長一人

汝寧府軍器局

陳州

軍器局俱設官同上

明軍器局隸工部

詳見工
部門

都水監

宋都水監舊隸三司河渠案仁宗嘉祐三年始置監以領之

神宗元豐時置使者一人丞二人主簿一人使者掌中外川澤河渠津梁堤堰疏鑿浚治之事丞參領之凡治水之法以防止水以溝蕩水以澮瀉水以陂池瀦水凡江河淮海所經都邑皆頒其禁令視汴洛水勢漲涸增損而調節之凡河防謹其禁歲計筭捷之

數前期儲積以時頒用各隨其所治地而任其責興
役以後月至十月止民功則隨其先後毋過一月若
導水溉田及疏治壅積為民利者定其賞罰凡修堤
岸植榆柳則視其勤惰多寡以為殿最南北外都水
丞各一人都提舉官八人監埽官百三十有五人皆
分職蒞事即干機速非外丞所能治則使者行視河
渠徽宗重和元年從工部尚書王詔言選差曾任水
官諳練者為南北兩外丞尋罷之高宗紹興十年詔

都水事歸於工部不復置官

又所隸有街道司掌轄治道路人兵若車駕行幸則

前期修治有積水則疏導之

餘詳馬端臨考

遼南面都水監官有太監少監丞主簿

金都水監掌川澤津梁舟楫河渠之事兼管勾沿河漕

運事官有監分治監專規措黃沁河

衛州置司

少監兼漕事

少監

明昌二年增一人衛州分治

丞二人內一人外監分治貞元

年置掾一人掌與丞同外監分治

大定二十七年添一人明昌三年併罷之

六年復置二人

勾當官四人准備分治監差委

明昌五年以罷掾設二人與定

五年設四人

所屬有街道司管勾掌灑掃街道修治溝渠

舊南京街道司

隸都水外監貞元二年罷歸京城所

都巡河官掌巡視河道修完堤

堰栽植榆柳凡河防之事分治監巡河官同此

其盧溝崇

福上下埽都巡河魚石橋使通濟河節巡官兼建春官地分河道

諸都巡河官掌

提控諸埽巡河官

明昌五年設以合得縣令人年六十者充選大定二年設漳滏河巡

河官二人

散巡河官

於諸局及丞簿庶舉人并見勾當人六十以下者充

凡二十

六埽

埽兵萬人

各設官一人

黃汴都巡河官下六處河陰雄武滎澤原武陽武延

津

黃沁都巡河官下四處懷州孟津孟州城北

衛河

都巡河官下四處新鄉崇福上崇福下衛南洪

上

滑瀋都巡河官下四處武城白馬書城教城

曹甸

都巡河官下四處東明西住孟華陵城曹濟

都巡

河官下四處定

陶濟

北寒山金山

諸埽物料場官掌受給本場

物料分治監物料場官同此

惟崇福上下掃物料場官與當界官通管收支

南京延津渡河橋官兼譏察事管勾一人同管勾一

人掌橋船渡口譏察濟渡給受本橋諸物等事

內譏察事

隸留守司

餘浮橋官同此

金史百官志曰右屬都水監皇統三年四月懷州
置黃沁河堤大管勾司未詳何年罷正大二年外
監東置於歸德西置於河陰

外有規措京兆府耀州三白渠公事規措官掌灌溉
民田點檢渠堰官一人掌點檢啟閉涇陽等縣渠堰
元都水監掌治河渠并堤防水利橋梁埽堰之事官有
監二人少監一人監丞二人經歷知事各一人

至元二十八年置二十九年領大都河道提舉司有

提舉同提舉副提舉各一人

又至正六年五月以連年河決為患置河南山東都水監以專疏塞之任八年二月河水為患詔於濟寧鄆城立行都水監九年又立山東河南等處行都水監十一年立河防提舉司掌巡視河道隸行都水監十二年添設判官二人十六年又添少監監丞知事各一人

又有都水庸田使司掌種植稻田之事官有庸田使副

使僉事各二人首領官經歷知事照磨各一人

順帝至元二年正月置於平江既而罷之至五年復立至正十二年因海運不通京師闕食詔河南窪下水泊之地置屯田八處於汴梁添立都水庸田使司都總制庸田使司都總制庸田使副使各二人僉司六人首領官經歷都事各二人照磨兼管勾承發架閣一人

至正十年置河南江北等處都總制庸田使司其屬

有軍民屯田總管府凡五處

置達嚕噶齊各一人總管各一人同知各一人

府判各一人首領官經歷各一人知事各一人又有農政

司置農政農丞豐盈庫置提領大使

一人提控案牘兼管勾承發架閣各一人

明都水司屬工部

詳工部門

客省

臣等謹按馬端臨考不載客省而附見於知閣門事中以其為兼官且客省及四方館建炎初併歸東上閣門皆知閣總之也今考遼金元俱有客省

明則改為行人司故增入之

宋客省引進使官有客省使副使各二人掌國信使見
辭宴賜及四方進奉四夷朝覲貢獻之儀受其幣而賓
禮之掌其饗餼飲食還則頒詔書授以賜予宰臣以下
節物則視其品秩以為等若文臣中散大夫武臣橫行
刺史以上還闕朝覲掌賜酒饌使闕則引進四方館閣
門使副互權

徽宗大觀元年詔客省四方館不隸臺察政和二年

改定武選新階乃詔客省四方館引進司東西上閣門所掌職務格法並令尚書省具上又詔高麗已稱國信改隸客省欽宗靖康元年詔客省引進司四方館西上閣門為殿廷應奉與東上閣門一司隸中書省不隸臺察

引進司使副各二人掌臣僚藩國進奉禮物之事班四方館上使闕則客省四方館互兼

四方館使二人掌進表章凡文武官朝見辭謝國忌

賜香及諸道元日冬至朔旦慶賀起居表章皆受而進之郊祀大朝會則定外國使命及致仕未升朝官父老陪位之版進士道釋亦如之掌凡護墓賻贈朝拜之事

遼客省局官有使副使都林牙

互見器物局門

南面客省官有都客省客省使左右客省使客省副使

太宗會同

元年置

其屬四方館有使副使引進司有使點籤司有

同籤點籤司事

禮信司有勾當禮信司

又有禮

賓使司禮賓使

金客省使掌接伴人使見辭之事官有使副使

又有引進使官有使副使掌進外方人使貢獻禮物

事又有典客署官有令丞又直長

後
罷

以上俱屬宣徽

院

元客省使掌直省舍人宣使等員選舉差遣之事官有使四人副使二人

至元九年置使二人一兼通事一不兼大德元年增置四人副二人直省舍人二人至元七年始置後增至三十三人掌奏事給使差遣之役屬中書省

又有屬樞密院者大使副使各二人有屬宣政院者大使二人副使一人皆至元時置同謂之客省使

臣等謹按百官志有通政院國初置驛以給使傳設托克托和斯以辨姦偽至元七年初立諸站都統領使司以總之設官六人後改通政院又分置

大都上都兩院及江南分院至大間以其事歸兵部兩都仍置止管達勒達扎木齊延祐時仍兼領漢人扎木齊大都院使四人同知副使各二人僉院同僉院判經歷都事各一人上都無同僉其餘止各一人所屬廩給司掌諸王諸番各省四方邊遠使客飲食供帳等事有提領司令司丞各一人與客省為近附載於此

明行人司掌捧節奉使之事官有司正左右司副各一

行人三十七人

凡頒行詔赦冊封宗室撫諭諸番徵聘賢才與夫賞
賜慰問賑濟軍旅祭祀咸叙差馬每歲朝審則行人
持節傳旨法司遣戍囚徒送五府填精微冊批繳內
府

初洪武十三年置行人司設行人左右行人尋改行
人為司正左右行人為左右司副更設行人三百四
十五人二十七年以所任行人奉使率不稱旨定設

行人司官四十人咸以進士為之非奉旨不得擅遣
行人之職始重建文中罷行人司而以行人隸鴻臚
寺永樂時復舊制

南京行人司左司副一人

內侍省

金明女
官附

遼北面著帳郎君院官有著帳郎君節度使著帳郎君

司徒

著帳郎君院約尼哈陶津汗以博果濟等三族害
裕悅舒嚕家屬沒入斡里應天皇太后知國政析

出之以為著帳郎君娘子每加矜恤世宗悉免之其後
內族外戚及世官之家犯罪者皆沒入斡里人戶益衆

因復故名皇太后皇太妃帳皆有著帳諸局

左右祇候郎君班詳衮司各有詳衮直長扎薩克轄祇候郎君伊喇又筆硯牌印裯褥燈燭牀幔殿幄車輿御蓋本班九局各有郎君

著帳戶司官有著帳節度使殿中

著帳戶本諸鄂爾多
戶析出及諸色人犯

罪沒入凡御帳皇太后皇太妃皇后皇太子近位親王祇從伶官皆充其役

承應小底局筆硯寢殿佛殿司藏習馬鷹坊湯藥尚飲盥漱尚膳尚衣裁造各有實達爾

遼史百官志曰古者刑人不在君側叛逆家屬設為著帳執事禁衛可為寒心此遼世所以多變起

肘腋與

南面內侍省官有黃門令內謁者內侍省押班內侍左
廂押班右廂押班契丹漢兒渤海內侍都知左右承宣
使

所屬內庫有都提點尚衣庫有使湯藥局有都提點
勾當湯藥內侍省等官

又內省官有使副使

所屬內藏庫有提點

又上京內省司東京內省司俱有使副使

東京大內不置宮嬪惟以內省使副判官守之

金近侍局官有提點又有使副使掌侍從承敕令轉進

奏帖

泰和八年設

又有直長

大定十八年增二人又奉御十人舊名入寢殿實達爾奉職

三十人舊名不入寢殿實達爾又
名外帳實達爾皆大定十二年更

右屬殿前都點檢司

宮闈局

舊名宮闈司大定二年改為局舊設令丞改為使副

掌宮中閣門之禁有

提點使副使率隨位都監司監及內直

一百七十人後作一百七十九

人各給其事又有直長

內侍局掌正位閣門之禁令丞各二人率殿位都監同

殿及御直

御直內直共六十四人明昌元年分宮闈局正位內直置初隸宮闈局

各給其

事又局長二人

東

當作閣

門都監同監諸隨殿位承應都監同監掌各

位承應及門禁管鑰

諸隨殿位都監同監以殿稱者曰昭明殿承徽殿隆徽殿鸞翔

殿崇儀殿迎昨殿藻珠殿瑞寧殿回春殿芸香殿瑞
像殿廣仁殿睿思殿滋福殿資正殿通英殿寧福殿
仁安殿以位稱者曰凝福溫芳二位瑤華柔則二位
嘉福等殿位順儀位太師位崇妃位惠妃位溫妃位
真妃位麗妃位宣儀位莊獻妃位又有以院稱者曰
長慶院仙韶院以宮稱者曰東宮孝寧宮以苑以園
稱者曰瓊林苑廣樂園京俊園又有以寺稱者曰報
德寺報恩寺孝嚴寺皆安御容處也此外又有三廟
未詳其制至諸閣門則為貞和門右昇平
門長樂門瑞華門寶昌門會昌門西華門

內侍寄祿官

泰和二年設初隸宮
闈局尋直隸宣徽院

所以升用內侍局御

直內直有年勞者

又有中常侍給事中內殿通直

先名內
殿給使

黃門郎

內謁者 內侍殿頭 內使高品 內侍高班

右俱屬宣徽院

金史完顏額爾克傳劉祁曰金人南渡之後近侍之權尤重蓋宣宗喜用其人以為耳目伺察百官故奉御輩採訪民間號行路御史或得一二事即入奏之因責臺官漏泄皆抵罪又方面之柄雖委將帥又差一奉御在軍中號曰監戰每臨機應變多為所牽制過敵則先奔故師多喪敗

臣等謹按金史錫默愛實傳天興時近侍干預朝政愛實上章諫曰今近侍權太重將相大臣不敢與之相抗自古僕御之臣不過供給指使而已雖名僕臣亦必選擇正人今不論賢否惟以世胄或吏員為之夫給使令之材使預社稷大計此輩果何所知乎據此則金之近侍亦非盡宦豎也

元侍正府掌內廷近侍之人

領舒庫爾齊四百人

侍正一十四人

同知叅府侍判各二人又經歷都事照磨各一人

文宗至順

二年

置

所領奉御二十四人

尚冠尚衣尚輦尚沐尚節兼尚輦各有奉御二人副奉御二人

又奉御掌簿四人文崇天歷初置以四集賽之舒庫爾齊為之

拱衛直都指揮使司

為其屬

明宦官十二監每監太監各一人左右少監左右

監丞典簿各一人長隨奉御無定員

此洪武舊制也後漸更華

詳見各條下

司禮監

提督太監掌印太監各一人秉筆太監隨堂太監書籍名畫等庫掌司內書堂掌司六科

廊掌司典簿無定員提督掌督理皇城內一應儀禮
刑名及鈐束長隨當差聽事各役關防門禁催督光
祿供應等事掌印掌理內外章奏及御前勘合秉筆
隨堂掌章奏文書照閣票批硃掌司各掌所司典簿
典記奏章及
諸出納號簿
內官監 掌印太監一人總理管理
員掌木石瓦土塔材東行西行油漆婚禮火藥十作
及米鹽庫營造庫皇壇庫凡國家營造宮室陵墓并
銅錫粧奩器用
暨米窖諸事
御用監 掌印太監一人兼外監把
總二人典簿掌司寫字監

工無定員凡御前所用圍屏牀榻諸木器及紫檀象
牙烏木螺甸諸玩器皆造辦之又有人仁智殿監工一
人掌武英殿中書承旨所
司設監 員同內官監掌
寫書籍畫冊等奏進御前
諸
御馬監 掌印監督提督太監各一人騰驤四衛
事 管各設監官掌司典簿寫字掌馬等員

象房有掌

司等官

神宮監

掌印太監一人 僉書掌司管理 無定員 掌太廟各廟灑掃香燈

等

尚膳監

掌印太監一人 提督光祿太監一人 總理一人 管理僉書掌司 寫字監工及各

牛羊等房廩監工 無定員 掌御膳及宮內食用并筵宴諸事

尚寶監

掌印一人 僉書掌司

無定員 掌寶璽敕符將軍印信 凡用寶外尚寶司以

揭帖赴監請旨至女官尚寶司領取監視外司用訖

存號簿

印綬監

員同尚寶掌古今通集庫并鐵券 諸敕帖黃印信勘合符驗信符諸

繳進

事

直殿監

員同上 掌各殿及廊廡掃除事

尚衣監

掌印太監一人 管理僉書

掌司監工 無定員 掌御用冠冕袍服及屨舄靴襪之事

都知監

掌印太監一人 僉書掌司

長隨奉御 無定員 舊掌各監行移關知勘合之事 校惟隨駕前導警蹕

四司舊制每司各司正一人左右司副一人

後漸更易詳下

惜薪司

掌印太監一人總理會書掌道掌司寫字監工及外廠北廠南廠新南廠新西廠各設會

書監工俱無定員

鐘鼓司

掌印太監一人會書司房學藝官無定員掌管

掌所用薪炭之事

出朝鐘鼓及內樂傳

寶鈔司

掌印太監一人會書管理監工無定員掌

奇過錦打稻諸雜戲

造粗細

混堂司

掌印太監一人會書監工無定員掌沐浴之事

草紙

八局舊制每局大使一人左右副使各一人

兵仗局

掌印太監一人提督軍器庫太監一人管理會書掌司寫字監工無定員掌製造軍器火

藥局屬之

銀作局

掌印太監一人管理會書寫字監工無定員掌打造金銀器飾

浣

衣局

掌印太監一人僉書監工無定員凡宮人年老及罷退廢者發此局居住惟此局不在皇城內

巾帽局

掌印太監一人管理僉書掌司監工無定員掌宮內使帽靴駙馬冠靴及藩王之國

諸旗尉

鍼工局

員同巾帽局掌造宮中衣服

內織染局

員同上掌

帽靴

染造御用及宮內應用緞匹

酒醋麪局

員同上掌宮內食用

城西藍靛廠為外局外署

酒醋糖醬麪豆諸物

司苑局

員同上掌蔬菜瓜果

職官志曰十二監四司八局所謂二十四衙門也

此外有內府供用庫

掌印太監一人總理管理掌司寫字監工無定員掌宮內及山

陵等處內官食米及御用黃蠟白蠟沉香等香凡油蠟等庫俱屬之舊制各庫設官同八局

司

鑰庫

員同上掌收貯制錢以給賞賜

內承運庫

掌印太監一人近侍僉書太監十人

掌司寫字監工無定員掌大內庫藏凡金銀及諸寶貨總隸之

十庫甲字

掌貯銀硃黃丹

烏梅藤黃水銀諸物

乙字

掌貯奏本等紙及各省所解胖襖

丙字

掌貯絲綿布疋

丁字

掌貯生漆桐油等物

戊字

掌貯所解弓箭

承運

掌貯黃白

生絹

廣盈

掌貯紗羅諸帛疋

廣惠

掌造貯巾帕梳篦刷抵錢貫鈔錠之類

贓罰

掌役入官物已上各掌庫一人貼庫僉書無定員

御酒房

提督太監一人僉書

無定員掌造御用酒

御藥房

提督太監正副二人分兩班近侍醫官無定員職掌御用藥餌

與太醫院官相表裏

御茶房

提督太監正副二人分兩班近侍無定員職司供奉茶酒瓜果

及進 御膳 牲口房 提督太監一人 僉書無

刻漏房

掌

一人 僉書 無定員 掌官 每日時刻 每一

更鼓房

有

時即令直殿監官入官換牌夜報刻水

甜食房

掌房一人 協同 無定員 掌造 辦虎

彈子房

掌房一人 僉書 數人 專備泥彈

靈臺

掌印太監一人 僉書 近侍看時近侍

無定員 掌觀星氣 雲物測候災祥

條作

掌作一人 協同 無定員 掌造各色兜羅絨及諸條綬

隸御 用監

監甲廠

即舊鞍轡局 掌造軍器

安民廠

舊名王恭廠 各掌廠太監

一人 貼廠 僉書 無定員 掌造銳砲火藥之類

午門

東華門

西華門

奉天門

元武門

左右順門

左右紅門

皇

宮門 坤寧門 宮左右門 東宮春和門 後門

左右門 皇城京城內外諸門

各門正一人管事無定員司晨昏啟

閉關防出入舊設門正門副各一人

提督東廠

掌印太監一人掌班領班司房無定員貼

刑二人掌刺緝刑獄之事舊選各監中一人提督後

專用司禮秉筆第二人或第三人為之其貼刑官則

用錦衣衛千百戶為之凡內官司禮監掌印權如外

廷元輔掌東廠權如總憲秉筆隨堂視衆輔各設私

臣掌家掌班

提督西廠

不常設惟汪直谷大用置之劉瑾又設西內廠尋俱

司房等員 提督京營

提督太監坐營太監監鎗掌司僉書俱無定員始於景帝景泰元年

文書房

掌房十人掌收通政司每日封進本章并會極門京官及各藩所上封本其在外之關票

在內之搭票一應諭旨御批俱由文書房落底簿發凡升司禮者必由文書房出如外廷之詹翰也

禮儀房

提督太監一人司禮掌印或秉筆攝之掌司寫字管事長隨無定員掌一應選婚選駙馬

誕皇太子女選

中書房

掌房一人散官無定員掌管文華殿中書所寫書籍

對聯扇柄等件承

御前近侍

曰乾清宮管事督理御用諸事曰打卯牌

旨發寫完日奏進

子掌隨朝捧劍俱位居司禮東廠提督守備之次曰

御前牌子曰暖殿曰管櫃子曰贊禮曰答應長隨曰

當差聽事曰駕馬尚冠

南京守備

正副守備太監各一人護衛留

都為司禮

天壽山守備

太監一人轄各陵守

湖

監外差

廣承天府守備

太監一人轄承德荆襄地方護衛興寧

織造

提督太監南京

一人蕪州一人杭州一人掌織造御用龍衣

鎮守

鎮守太監始於仁宗洪熙徧設於英宗正

統凡各省各鎮無不有鎮守太

監至世宗嘉靖八年後始革

市舶

廣東福建浙江三市舶司

各設太監提督後罷浙江福建二司惟存廣東司

監督倉場

各倉各場俱設監督太監

諸陵神宮監

各陵俱設神宮監太監守陵

其外之監軍採辦

糧稅礦關等使不常設者不可勝紀也

初吳元年置內史監

設監令丞奉御內史典簿

皇門官

設皇門使副

後

改置內使監御用監

各設令一人丞二人奉御典簿

皇門官

門正副

春

宮門官御馬司

正副司正副

尚寶兼守殿

尚冠尚衣尚佩尚履尚藥紀事

等奉

洪武二年定置內使監

奉御六十人尚寶一人尚冠七人尚衣十

人尚佩九人尚藥七人紀事二人執膳四人司置尚
脯二人司香四人太廟司香四人涓潔二人

酒尚醋尚麪尚染四局

局設正一人副二人

御馬御用二司

設正

一人副二人

內府庫

設大使一人副使二人

內倉監

設令一人丞二人

及置

東宮典璽典翰典膳典服典藥典乘兵六局

局設局郎一人

丞一人

又置午門等十三門官

各設門正一人副一人

東宮門官

春和門等四門

各設門正一人副一人

三年置王府承奉司

設承

奉一人承奉副二人典寶典服典膳三所各
設正一人副一人門官設門正一人副一人

六年改

御用監為供奉司

設官五人

內倉監為內府倉

以監令為大使丞為

副使內府庫為承運庫

仍設大使副使

尋置紀事司

以宦者張翊為司正

又考前代糾劾內官之法置內正司

設司正副各一人

專糾

內官失儀及不法者旋改為典禮司又改為典禮紀

察司十年置神宮內使監

設監令丞司香奉御典簿

天地壇神壇

各祠祭署

設署令丞司香奉御

甲乙丙丁戊五庫

各設大使副使

及皇

城門官端門等十六門

各設門正副

十二年更置尚衣尚

冠尚履三監針工皮作巾帽三局改尚佩局為尚佩

監十六年置內府寶鈔廣源廣惠二庫職掌出納楮

幣入則廣源庫掌之出則廣惠庫掌之

寶鈔廣源庫設大使一人

用流官內副使一人用內官寶鈔廣惠庫設大使二人副使二人俱流官內官兼用

十七年更

定內官諸監庫局品職內官監

令一人丞二人典簿一人

神宮監

設令丞奉御各一人

尚寶監

設令丞各一人

尚衣監

設令丞各一人奉御四人

尚膳

設令丞各一人

司設監

設令丞各一人奉御四人

司禮監

設令丞各一人

御馬

設令丞各一人

直殿監

設令一人丞四人

小內使

十五人

宮門承制

設奉御五人

宮門守門官

設門正一人副四人

內承運庫

設大使一人副使二人

人司鑰庫

設大使一人
副使一人

巾帽局針工局織染局

各設大使

副使各一人

顏料局司苑局司牧局

各設大使一人

皆於內官內

選用二十八年重定內官監司庫局與諸門官并東

宮六局王府承奉官等職秩凡內官監十一

曰神宮監曰尚

寶監曰孝陵神宮監曰尚膳監曰尚衣監曰司設監

曰內官監曰司禮監曰御馬監曰印綬監曰直殿監

皆設太監一人左右少監各一人左右各門官七門

監丞各一人典簿一人又設長隨奉御

東華門西華門元武門奉天門左順司二

曰鐘鼓司曰惜薪司

門右順門皆設門正一人副一人

皆設司正一人左局庫九

曰兵仗局曰內織造局曰針工局曰巾帽局曰司苑

局曰酒醋麴局曰內承運庫曰司鑰庫曰內府供東
用庫每局庫皆設大使一人左右副使各一人

宮典璽典藥典膳典服典兵典乘六局

各設局郎一人局丞二人

惟典璽局增設紀事奉御

親王府承奉司

設承奉正承奉副

所三

曰典寶所曰典

膳所曰典服所各設正一人副一人

門官

設門正副各一人

又設內使十人

冠司

一人司衣三人司佩司履各一人司藥司矢各二人

各公主位下設中使司

正司

司副各一人

三十年置都知監

設太監一人左右監丞各一人典

簿一人

又置銀作局

設大使一人

職官志太祖時嘗謂侍臣曰朕觀周禮奄寺不及

百人後世至踰數千因用階亂此曹止可供灑掃
給使令非別有委任毋令過多又言此曹善者千
百中不一二惡者常千百若用為耳目即耳目蔽
用為心腹即心腹病馭之之道在使之畏法不可
使有功畏法則檢束有功則驕恣有內侍事帝最
久微言及政事立斥之終其身不召因定制內侍
毋許識字洪武十七年鑄鐵牌文曰內臣不得干
預政事犯者斬置宮門中又敕諸司毋得與內官

監文移往來然二十五年命聶慶童往河州敕諭
茶馬中官奉使行事已自此始成祖亦嘗云朕一
遵太祖訓無御寶文書即一軍一民中官不得擅
調發有私役應天工匠者立命錦衣逮治顧中官
四出實始永樂元年李興等齎敕勞暹羅國王此
奉使外國之始也三年命鄭和等率兵二萬行賞
西洋古里滿刺諸國此將兵之始也八年敕王安
等監都督譚青等軍馬靖巡視甘肅此監軍巡視

之始也及洪熙元年以鄭和領下番官軍守備南
京遂相沿不改敕王安鎮守甘肅而各省鎮皆設
鎮守矣宣德四年特設文書房命大學士陳山專
授小內使書而太祖不許識字讀書之制由此而
廢賜王瑾金英印記則與諸密勿大臣同賜金英
范弘等免死詔則又無異勲臣之鐵券也英之王
振憲之汪直武之劉瑾熹之魏忠賢太阿倒握威
福下移神宗礦稅之使無一方不罹厥害其他怙

勢薰灼不可勝紀而蔭弟蔭姪封伯封公則挽官制之大者莊烈帝初翦大憝中外頌聖既而鎮守出征督餉坐營等事無一不命中官為之而明亦遂亡矣

女官

臣等謹按馬端臨考載有周禮九嬪世婦女御女祝女史等名畧見於官數門自周以後皆不載今考宋遼二史固無可據者若金之宮人女官職員

品秩百官志謂皆同唐制

新唐書百官志云唐因隋制

明初悉

仍之故附詳於左

金宮人女官職員有尚宮尚儀尚服尚食尚寢尚功各二人分領二十四司又宮正二人

尚宮掌導引皇后管司記司言司簿司闈仍總知五

尚須物出納等事

司記典記掌記各二人掌在內諸文書出入目錄為記審訖付行縣

印等事女史六人掌職文簿司言典言掌言各二人女史四人掌宣傳啓奏之事司簿典簿掌簿各二人

女史六人掌宮人名簿廩賜之事司闈典闈掌闈各六人女史四人掌宮闈名簿管籥之事

尚儀掌禮儀起居官司籍司樂司賓司贊事

司籍典籍掌籍

各二人女史十人掌經籍教學紙筆几案之事司樂典樂掌樂各四人女史二人掌音樂之事司賓典賓掌賓各二人女史二人掌賓客參見朝會引導之事司贊典贊掌贊各二人女史彤史各二人掌禮儀班序設板贊拜之事

尚服掌司寶司衣司飾司仗之事

司寶典寶掌寶各二人女史四人掌

珍寶符契圖籍之事司衣典衣掌衣各二人女史四人掌御衣服首飾之事司飾典飾掌飾各二人女史四人掌膏沐巾櫛服玩之事司仗典仗掌仗各二人女史二人掌仗衛兵器之事

尚食掌知御膳進食先嘗司膳司醢司藥司膳事

司膳

典膳掌膳各四人女史四人掌膳羞器皿司醢典醢
掌醢各二人女史二人掌酒醢司藥典藥掌藥各二
人女史二人掌醫藥司饌典饌掌饌各
二人女史二人掌宮人食并柴炭之事

尚寢管司設司與司苑司燈事

司設典設掌設各二
人女史二人掌帷帳

牀褥枕席洒掃鋪設司與典與掌與各二人女史二
人掌與輦織扇羽儀司苑典苑掌苑各二人女史二
人掌苑囿種植蔬果司燈典燈掌
燈各二人女史二人掌燈油火燭

尚功掌女功管司製司珍司綵司計

司製典製掌製
各二人女史二

人掌裁縫衣服纂組之事司珍典珍掌珍各二人女
史二人掌金珠玉寶財貨之事司綵典綵掌綵各二
人女史二人掌錦文緋絲帛之事司計典計掌計
各二人女史二人掌支度衣服飲食柴炭雜物之事

宮正掌總知宮內格式糾正推罰之事司正二人同
掌典正二人糾察違失女史四人

明太祖吳元年置內職女官六尚局洪武五年定為六

局一司局曰尚宮曰尚儀曰尚服曰尚食曰尚寢曰尚

功司曰宮正

尚宮二人尚儀尚服尚食尚
寢尚功各一人宮正一人

六局分領二

十四司每司或二人或四人

司記司言司簿司樂司寶
司衣司飾司醞司藥司供

司興司施司珍司絲司計各二人司閑司籍
司賓司贊司休司饌司設司燈司製各四人

女史十八

人尚功局六人餘五局
及宮正司各二人

臣等謹按職官志洪武二十二年授官官敕服勞
多者或五載六載得歸父母聽婚嫁年高者許歸
願留者聽現授職者家給與祿二十七年六局各
鑄印給之永樂後職盡移於宦官其宦官所存者
惟尚寶四司而已

以上未見有稱尚寶者殆指尚服內四寶四司也

若局

司之所職掌大畧與金相同故不贅載

樞密院

宋樞密院編修官二人監三省樞密院門

高宗紹興時置舊係差小使臣及內侍官充寧宗嘉定六年詔以曾經作縣通判資序人充小使臣省罷內侍官改以三省樞密院門譏察官繫銜

又有主管三省樞密院架閣文字一人

嘉定八年置以選人京朝官通差

又有編修敕令所掌裒集詔旨纂類成書官有提舉宰相兼同提舉執政兼詳定侍從官兼刪定就職事內差

兼

孝宗乾道六年敕令所以右丞相虞允文提舉叅知政事梁克家同提舉淳熙十五年罷光宗紹熙二年復置局寧宗慶元二年復置提舉以右丞相余端禮兼同提舉以叅知政事京鏗兼仍以編修敕令所為

名

以上據職官志
補馬考所未備

理宗寶祐四年十一月以張礪同知樞密院事丁大全簽書院事馬天驥同簽書院事

度宗咸淳九年四月詔復置樞密院

先是三月詔建機速房以革樞密院漏泄兵事稽違
邊報之弊至是復置

互見中書省

遼契丹北樞密院掌兵機武銓羣牧之政凡契丹軍馬
皆屬焉官有使知使事知院事副使知副使事同知使
事簽書院事都承旨副承旨林牙知北院貼黃給事北
院知聖旨頭子事掌頭子敝史郎君

北樞密院中丞司官有北南樞密院點檢中丞司事
總知中丞司事北院左中丞右中丞同知中丞司事

北院侍御

以其牙帳居大內帳殿之北故名北院元好問所謂北衙不理民是也

契丹南樞密院掌文銓部族丁賦之政凡契丹人民皆

屬焉

設官員數與北樞密院同

南樞密院中丞司

設官亦與北樞密院中丞司同

以其牙帳居大內之南故名南院元好問所謂南衙不主兵是也

又有額珍尼果齊噶所掌未詳乃約尼故官後併樞密院

行樞密院為行軍官有左右林牙有叅謀

又行軍都統所有監軍有行軍諸部都監有監戰有都統副都統有都監 行軍都押司有都押官副押官 行軍都部署司 先鋒使司 先鋒都統所

左右兩翼軍都統所 中軍都統所 御營都統所 遠探軍有小校有伊喇 候騎有偵候有候人有

伊喇

又有東征都統所統軍司先鋒使司等官

南面漢人樞密院掌漢人兵馬之政官有使知使事知
院事副使同知院事知副使事直學士其屬有都承旨
副承旨吏房承旨兵房承旨戶房主事廳房主事
部

工即

漢人樞密院本兵部之職在周為大司馬漢為太尉
唐季宦官用事內置樞密院後改用士人晉天福中

廢開運元年復置太祖初有總知漢兒司事太宗入汴因晉置樞密院初兼尚書省

遼史興宗紀重熙二十一年七月詔北南樞密院日再奏事二十二年十一月詔諸職事官以禮受代及以罪去者置籍歲申樞密院又蕭孝忠傳重熙十二年入朝拜北樞密使國制以契丹漢人分北南院樞密治之孝忠奏一國二樞密風俗所以不同若併為一天下幸甚事未及行

金樞密院掌凡武備機密之事使副使簽書院事同簽
院事各一人

又經歷都事各一人掌受事付事檢勾稽失省署文
牘兼知宿直之事架閣庫管勾一人知法二人掌檢
斷各司取法之事餘檢法同

太祖天輔七年始置於廣寧府太宗天會三年下燕
山初以左企弓為使後以劉彥宗初猶如遼南院之
制後則否泰和六年嘗改為元帥府

臣等謹按帝紀宣宗興定二年二月御史以北兵退請汰各處行樞密院元帥府冗官尚書以為非便帝從尚書言仍舊制是金又有行樞密矣若哀宗天興元年正月置尚書省樞密院於宮中以便名問則尤一時設之非定制也

元樞密院掌天下兵甲機密之務凡宮禁宿衛邊庭軍翼征討戍守簡閱差遣舉功轉官節制調度無不由之官有知院六人同知四人副樞密院同僉院判參議各

二人

又經歷二人都事四人承發兼照磨二人架閣庫管勾同管勾各一人

中統四年置副使二人僉書一人至元七年置同知院事院判各一人二十八年始置知院一人增院判一人又以中書平章商量院事大德十年增置知院二人同知副樞僉院各五人同僉三人院判二人至大三年知院七人同知副樞各二人僉院同僉各一

人院判二人革去議事平章延祐四年以分鎮北邊
增知院一人五年增同知一人後定置如前至至正
七年復置議事平章二人十三年令皇太子領樞密
使如舊制十五年添設僉院院判各一人

所屬客省使

詳客省門

又有斷事官掌處決軍府之獄訟

增省不一後定置斷事官八人經歷一人

行樞密院國初有征伐之事則置之大征伐則止曰行
院為一方一事而設則稱某處行樞密院或與行省代

設事已則罷

西川中統四年置官二人管四川軍民課稅交鈔打
捕鷹房人匠及各投下應管公事節制官吏諸色人
等并軍官遷授征進等事始置於成都至元十年又
於重慶別置東川行樞密院十三年併為一院尋復
分東川行院十六年罷兩川行院二十八年復立四
川行院於成都

江南至元十年罷河南省統軍司漢軍都元帥山東

行院置荆湖等路行院官三人淮西行院官二人掌
調度軍馬之事十二年罷十九年詔於揚州岳州俱
立行院官五人二十一年立沿江行院二十二年立
江西行院馬軍戍江州步軍戍撫州二十八年徙岳
州行院於鄂州徙江淮行院於建康其後行院悉併
歸行省

甘肅至大四年置行院於甘州設甘肅等處行樞密
院官四人提調西路軍馬後以甘肅省丞相提調遂

罷行院

河南致和元年分置專管調遣之事天歷元年罷嶺北天歷二年置知院同知等官掌邊庭軍務凡大小事宜悉從裁決

臣等謹按百官志順帝至元三年四川及湖廣江西之境及江浙凡三處各置行樞密院以鎮遏好亂之民每處設知院同知僉院院判各一人湖廣江西二省所轄地里險遠添設同僉經歷等官至

四年遂罷之至正十五年淮南江北則置於揚州
十六年江浙則置於杭州十八年以山東等處行
樞密副使分院於瀋州兼領屯田事十九年以河
南行省平章兼河南山東等處行樞密知院二十
六年置福建江西等處行樞密院

又所隸有左右翼屯田萬戶府二分掌鄂端巴實伯
里迴環漢軍及大名衛輝新附之軍并迤東迴軍合
為屯田

至元二十六年置延祐五年隸詹事院
并入衛率府復改隸樞密院定置兩府達魯

噶齊萬戶副萬戶經歷知事提控案牘各一人其屬

鎮撫各二人千戶八所

連噶齊千戶副千戶各一人百戶五十九人彈壓十六

人千戶四所

連噶齊千戶副千戶各一人百戶五十二人彈壓八人

河南淮

北蒙古軍都萬戶府都萬戶副都萬戶經歷知事提

控案牘各一人其屬鎮撫二人巴咱爾萬戶府萬

戶副萬戶經歷知事提控案牘鎮撫各一人千戶所

一十翼

連噶齊千戶副千戶每翼各一人百戶七十三人彈壓十人

濟古爾岱

萬戶府萬戶經歷知事提控案牘鎮撫各一人千戶

所七翼

千戶各一人百戶三十八人彈壓七人

圖烈都萬戶府萬戶

副萬戶經歷知事提控案牘鎮撫各一人千戶所九

翼

千戶各一人百戶六十二人彈壓九人

和尚萬戶府設官同上千

戶所六翼

達魯噶齊四人千戶六人副千戶四人百戶四十七人彈壓六人

砲手千

戶所一翼

千戶一人百戶六人彈壓一人

哨馬千戶所一翼

達魯噶齊千戶

副千戶各一人彈壓二人百戶九人與魯官二人

回回砲手軍匠上萬戶

府達魯噶齊萬戶副萬戶經歷知事提控案牘各一

人鎮撫二人千戶所三翼

達魯噶齊千戶副千戶每翼各一人百戶三十二人

彈壓
三人

山東河北蒙古大都督府掌各路軍民科差

征進及調遣總攝軍馬公事

至元二十一年罷統軍司都元帥府立蒙古軍

都萬戶府大德七年改山東河北蒙古軍都萬戶府延祐五年罷天歷二年改立為大都督府大都

督三人同知副使各一人經歷都事承發兼照磨各

一人鎮撫二人所屬左手萬戶府

萬戶副萬戶經歷知事提控案牘鎮

撫各一人其屬千戶九翼千戶十

右手萬戶府

設官同前

其屬千戶九翼千戶九人百戶六十三人彈壓九人

巴圖萬戶府

達魯噶齊萬戶副萬戶經

歷知事提控案牘鎮撫各一人其屬千戶

哈達萬戶

府

達噶齊萬戶經歷知事提控案牘鎮撫各一人其屬千戶八翼千戶八人百戶二十四人彈壓八

人蒙古回回水軍萬戶府

達噶齊萬戶副萬戶經歷知事提控案牘各一人

鎮撫二人其屬千戶八翼達噶齊二

奇都噶萬戶

人千戶六人百戶四十六人彈壓九人

府

設官同前其屬千戶七翼千戶九人百戶三十五人彈壓八人又哈喇齊千戶翼千戶一人百戶四

人彈壓一人洪澤屯田千戶翼達噶齊千戶副千戶各一人百戶十四人

又有延安屯田打捕總管府管析居放良人戶并兀

里吉思田地北來蒙古人戶達噶齊總管同知經

歷知事各一人其屬

打捕屯田官一十二人

大寧海陽等處

屯田打捕所掌北京平濠等路析居放良布呼齊等
戶達嚕噶齊長官各一人蒙古字教授儒學教授各
一人

臣等謹按百官志行樞密院後又有附載左右等
七衛指揮使左右阿蘇衛唐古衛桂齊衛忠翊侍
衛西域宗仁蒙古侍衛左右二翼蒙古侍衛虎賁
各親軍都指揮使

詳京衛門

又左右衛率府

詳東宮門

因詳

見各門故不贅載

又有樞密分院

衛輝分院

至正十五年置

彰德分院

至正十五年置設同知副樞密事各一人

直沽分院

至正十五年置設同知都事各一人

沂州分院

至正十六年置

以指揮使司隸焉

明太祖下集慶即置行樞密院自領之尋罷改置大都

督府

王圻曰明不設行院分院遇有軍興征發則用兵

部尚書侍郎帶銜以出畢仍回部

宣徽院

臣等謹按馬端臨考宣徽院始於唐而罷於宋紹聖三年今考遼金元俱有之而元所屬有光祿寺至明則竟改光祿寺矣

宋宣徽院南渡後不復再置

遼宣徽北院掌北院御前祇應之事官有使知院事副使同知院事

又有宣徽南院設官與所掌俱同北院

南面宣徽院官有院使知院事副使同知使事同知院事

又有南京宣徽院官有使知使事知院事副使同知院事

臣等謹按百官志宣徽院視工部太宗會同元年置惟南京宣徽院未詳所自始

金宣徽院掌朝會燕享凡殿廷禮儀及監知御膳官有左右使同知院事同僉院事判官

所隸弩手傘子二百三十九人控鶴二百

人

所屬拱衛直使司

威捷軍隸焉舊名龍翔軍正隆二年更為神衛軍大定二年更名為

拱衛司

都指揮使

舊名使

副都指揮使

舊名副使

掌總統本直

謹嚴儀衛

五年定名如前

又什將長行威捷軍

承安二年簽弩手千人泰

和四年以之備邊事

官有鈐轄

都轄

客省

詳客省門

閣門

詳鴻臚寺門

尚衣局掌御用衣服冠帶等事官有提點

使副使又有都監

舊設後罷

直長同監

儀鸞局

泰和四年或以

少府監官兼或兼少府監官

掌殿廷鋪設帳幕香燭等事官有提

點使副使又直長四人收支都監二人

一掌給受鋪陳諸物一掌

萬寧宮收支庫

同監二人

尚食局掌總知御膳進

大定十年置

食先嘗兼管從官食官有提點使副使又直長一人

都監三人生料庫掌給受生料物色收支庫掌給受

金銀裹諸色器皿俱有都監同監各一人 尚藥局

掌進湯藥茶果官有提點使副使直長都監果子都

監同監各一人掌給受進御果子 御藥院掌進御

湯藥以親信內侍人充官有提點直長

明昌五年設

又有

都監同監

太醫院

詳太醫院門

教坊掌殿延音樂總

判院事有提點使副使判官又有諧音郎內藏庫

大定二年分為四庫

掌內府珍寶財物有使副使率隨庫都監

等

頭面段疋雜物三庫各有都監同監惟金銀庫止有都監

供奉其事又有直長

一人

承安三年增

宮闈局

內侍局

內侍寄祿官

中常侍等

俱詳內侍省

典衛司

世宗才人寶林位設防衛軍導從人

有令丞

直長又者靖宮

章宗正妃位

有令丞端妃慧妃貞妃靚儀

才媛等位有同監懿安家

為莊獻太子設

有令丞宮苑司

掌宮庭修飭洒掃啓閉門戶鋪設氍毹席之事有令丞

又直長一人都監同監二人

泰和四年
罷同監

尚醞署掌

進御酒醞有令丞又直長二人

典客署

詳客
省門

侍

儀司

詳見鴻臚門

元宣徽院掌供玉食凡稻粱牲牢酒醴蔬果庶品之物

燕享宗戚賓客之事及諸王宿衛齊哩克昆糧食蒙古

萬戶千戶合納差發係官押分牧養孳畜歲支芻草粟

殺羊馬價值收受關遺等事

所轄內外司屬
用人則自為選

官有院使

六人同知副使僉院同僉院判各二人又經歷二人都事三人照磨承發架閣庫各一人

至元十五年置院使一人同知同僉主事各二人照磨一人二十年增院使一人置經歷二人典簿三人二十三年置院判二人省典簿置都事三人三十四年院使四人大德二年增同知二人四年置副使二人皇慶元年增院使三人後定置官如上

其屬有光祿寺

今別為光祿寺門詳見於前

大都尚飲局掌醢

造上用細酒有提點大使各一人副使二人

中統四年置大

使副使各一人至元十二年增副使為二人十五年置提點一人

上都尚飲局有

提點大使副使各一人

皇慶中始置

大都尚醞局掌醞

造諸王官酒醴有提點大使各一人副使二人直長

一人

中統四年立御酒庫設金符宣差至元十一年始設提點十六年改尚醞局置官如上

上都尚醞局有提點大使副使直長各一人

至元二十九年

置

大都醴源倉掌受香荭蘇門等酒材糯米鄉貢

麴藥以供上醞及歲賜諸王百官者設提舉大使副

使各一人

至元二十五年始置

上都醞源倉掌受大都轉輸

米麴并醞造車駕臨幸次舍供給之酒設大使直長

各一人

至元二十五年始置

尚珍署掌收濟寧等處田土料

粒以供酒材設達魯噶齊令各一人丞二人吏目一

人

至元十三年始立十五年罷入有司二十三年復立

安豐懷遠等處稻田

提領所掌稻田布種歲收籽粒轉輸醴源倉定置提

點二人

尚舍寺掌行在帷幙帳房陳設之事牧養

駱駝供進愛喇克酪有太監少監監丞知事各二人

至元三十一年始置監至大元年改為寺四
年仍為監尋復為寺延祐三年定置官如上

諸物

庫掌出納設提領大使副使各一人

大德四年置

開遺

監掌布呼齊人口頭足諸物設太監少監監丞各二

人知事提控案牘各一人

至元二十年初立開遺所
二十五年改為監延祐七

年定置
官如上

尚食局掌供御膳及出納油麪酥蜜諸物

有提點大使各一人副使二人直長一人

至元二年
置提點領

進納百色生料二十年省併尚藥局為
尚食局別置生料庫本局定置如上

大都生料

庫有提點大使各二人副使三人

至元十一年置生
料野物庫隸尚食

局二十年別置庫撥
內藏庫例置官如上

上都生料庫掌受弘州大同

虎賁司農等歲辦油麪大都起運諸物供奉內府放

支宮人宦者飲膳有提點大使各一人副使二人直

長一人 大都大倉上都大倉掌內府支持米豆及

酒材米麴藥物二倉各設提舉大使副使一人

至元五年

初立設官三人俱受制國用使司劄付十二年
改立提舉大倉隸宣徽院二十五年定置如上

大

都上都柴炭局各一置達嚕噶齊各一人大都大使

一人上都大使三人副使各二人直長各一人

至元十二年

年置十六年改提舉
司大德八年仍為局

尚牧所設提舉二人同提舉

副提舉吏目各一人

至大四
年置

沙糖局掌沙糖蜂蜜

煎造及方貢果木置達嚕噶齊提點大使副使各一

人

至元十三年始置十七年置
提點十九年定置官如上

永備倉掌受兩都

倉庫起運省部計置油麪諸物及雲需府所辦羊物

以備車駕行幸膳羞置提點大使副使各一人

至元
十四

年始置二十四
年置官如上

豐儲倉掌出納及車駕行幸支持

膳羞有大使一人 淮東淮西屯田打捕總管府掌

獻田歲入以供內府及湖泊山塲漁獵以供內膳置達嚕噶齊總管同知府判經歷知事提控案牘各一

人

至元十四年始立總管府并管連海高郵河泊提舉司沂州等處提舉司事十六年置揚州鷹房打

捕達嚕噶齊總管府二十二年省併為淮東淮西屯田打捕總管府二十五年以兩淮新附手號軍千戶

所隸本府及分置提舉司十一處定置官如上

其屬

淮安高郵招泗安東海州揚州通泰各屯田及

安豐廬州鎮巢等處打捕塔山徐邳沂州等處山塲

屯田各提舉司凡九處每司各設達嚕噶齊提舉同

提舉副提舉一人吏目二人抽分塲提領所凡十處曰柴墟東西口曰海州新埧曰北沙太倉曰安河

桃源曰太湖東西口曰特堡興化曰高郵寶應曰汶湖等處曰雲山白水曰安東州每所各設提領同提

領副提領一人 滿浦倉掌收受各處籽粒米麵等物以待轉輸京師至元二十五年始置大使副使各

一人 圓米棋子局軟皮局各置提領同提領副提領一人 手號軍人打捕千戶所管軍人打捕野物

皮貨至元二十五年始置達魯噶齊上千戶上副千戶彈壓各一人上百戶七所各置百戶二人下百戶

二所各置百戶一人 龍慶栽種提舉司管領縉山歲輸梁米

并易州龍門淨邊官園瓜果桃李等物以奉上供置

達魯噶齊提舉同提舉副提舉各一人 至元十七年始置提舉司

延祐七年縉山改為龍慶州因以名之 弘州種田提舉司掌輸納麥

麩之事以供內府定置達魯噶齊提舉同提舉副提

舉直長各一人 豐潤署掌歲入芻粟以給飼養駝

馬之事定置達嚕嚕齊令丞直長各一人 常湖等

處茶園都提舉司掌常湖二路茶園戶二萬三千有

奇採摘茶芽以供內府置達嚕嚕齊提舉同提舉副

提舉提控案牘都目各一人 至元十三年置司統提

年陞都提舉司又別置平江等處樵茶提舉司掌其

歲貢御茶二十四年罷平江提舉司併掌其職

屬提領烏程武康德清長興安吉歸安湖汶宜興等

所七處每所各設正同副提領各一人俱受宣徽

院劄付又有建寧北苑武夷茶場提領所有

提領一人受宣徽院劄歲貢芽茶直隸宣徽

明宣徽院

太祖吳元年置洪武元年改併光祿寺

詳光祿寺門

太醫院

臣等謹按馬端臨考太醫署入於太常寺上林署入於司農卿皆本宋制今考後代有不盡然者如遼之湯藥局屬內侍省金則屬於宣徽而元明皆特設院上林金屬工部元屬大都留守司明之司農甫設旋罷更無可附麗茲故別立二門列於諸

卿之後俾覽者有所考焉

宋太醫局

屬太常寺

官有丞有教授有九科醫生額三百人

歲終則會其全失而定賞罰

神宗熙寧九年置以知制誥熊本提舉大理寺丞單

驥管幹後詔勿隸太常寺置提舉一判局二

判局選知醫事

者為之科設教授一

選翰林醫官以下與上等學生及在外良醫為之

學生常

以春試取合格者三百人為額太學律學武學生諸
營將士疾病輪往治之各給印紙書其狀歲終稽其

功緒為三等第補之上等月給錢十五千毋過二十人中等十千毋過三十人下等五千毋過五十人失多者罰黜之受兵校錢物者論如臨臨強乞取法三

學生願預者聽受而禁邀求者

又官制行隸太常禮部自政和以後隸醫

學詳見選舉志

孝宗隆興元年省併醫官而罷局生續以虞

允文請依舊存留醫學科遂舉附試省試別試所更不置局權令太常寺掌行光宗紹熙二年復置醫局局生以百人為額餘並依未罷局前體例仍隸太常

寺

臣等謹按以上俱本職官志與馬端臨考所載絕不相符故全錄之以備考

遼北面太醫局官有使副使都林牙

又有醫獸局官同上

南面官有湯藥局

已詳內侍省門

金太醫院掌諸醫藥總判院事官有提點使副使判官管勾隨科至十人設一人以術精者充如未有十人

俟併至十人而後置正奉上太醫副奉上太醫長行
太醫十科額五十人

惠民司

屬禮部

掌修合發賣湯藥官有令直長都監

舊設丞一人大定三年有司言惠民歲入息錢不償
官吏俸帝曰設此本欲濟民官非人怠於監視藥物
財費何足計哉可減員而已

元太醫院掌醫事製奉御藥物領各屬醫職官有院使
一十二人同知僉院同僉院判經歷都事各二人照磨

兼承發架閣庫一人

中統元年置宣差提點太醫院事二十年改為尚醫
監二十二年復為太醫院置提點四人院使副使判
官各二人大德五年設官十六人十一年增院使二
人皇慶元年增院使二人二年增院使一人至治二
年定置官如前

所屬廣惠司掌修製御用回回藥物及和劑以療諸
宿衛士及在京孤寒者卿四人少卿司丞各二人經

歷知事照磨各一人

至元七年始置提舉一人至治二年定年增置提舉一人

置官

如上所屬

大都上都回回藥物院掌回回藥物置達魯噶齊一人大使二人副使一人至元二

十九年始置至治二年撥隸廣惠司

御藥院掌受各路御貢諸番進

獻珍貴藥品修造湯煎設達魯噶齊一人大使二人

副使三人直長一人都監一人

至元六年始置

御藥局掌

兩都行篋藥餌設達魯噶齊一人局使副使各二人

至元十年始置大德九年分立行御藥局掌行篋藥物本局但掌上都藥倉之事

行御藥

局設達魯噶齊一人大使副使各一人御香局掌

修合御用諸香設提點司令各一人

至大元年始置

大都

惠民局掌收官錢經營出息市藥修劑以惠貧民

統中

二年始置授太醫

院劄員數未詳

上都惠民司提點司令各一人

中統四年始置

醫學提舉司掌考校諸路醫生課義試驗

太醫教官校勘名醫撰述文字辨驗藥材訓誨太醫

子弟領各處醫學提舉副提舉各一人

至元九年始置十三年罷

十四年復置

所屬

官醫提舉司掌醫戶差役詢訟至元二十五年置大都保定彰德東平四路

設提舉同提舉副提舉各一人河間大名晉寧大寧大同濟寧廣寧冀寧濟南遼陽興和十路設提舉

副提舉各一人 衛輝
懷慶大寧設提舉一人

明太醫院掌醫療之法官有院使一人院判二人

其屬御醫四人吏目一人

穆宗隆慶五年御醫吏目各定設十人

生藥

庫惠民藥局各大使副使一人凡醫術十三科醫官
醫生醫士專科肄業曰大方脈曰小方脈曰婦人曰
瘡瘍曰鍼灸曰眼曰口齒曰接骨曰傷寒曰咽喉曰
金鏃曰按摩曰祝由凡醫家子弟擇師而教之三年
五年一試再試三試乃黜陟之凡藥辦其土宜擇其

良楷慎其條製而用之四方解納藥品院官收貯生藥庫時其燥濕禮部委官一員稽察之診視御服使判御醫參看校同會內臣就內局選藥連名封記藥劑具本開寫藥性證治之法以奏烹調御藥院官與內臣監視每二劑合為一候熟分二器一御醫內臣先嘗一進御仍置厯簿用內印鈐記細載年月緣由以憑考察王府請醫本院奉旨遣官或醫士往文武大臣及外國君長有疾亦奉旨往視其治療可否具

本覆奏外府州縣置惠民藥局邊關衛所及人聚處各設醫生醫士俱由本院試遣歲終會察其功過而殿最之以憑黜陟

初太祖置醫學提舉司設提舉同提舉副提舉醫學教授學正官醫提領尋改為太醫監設少監監丞吳元年改監為院設院使同知院判典簿洪武三年置惠民藥局府設提領州縣設官醫凡軍民之貧病者給之醫藥六年置御藥局於內府始設御醫

御藥局
設尚藥

奉御二人直長二人藥童十人俱以內官內使充之
設御醫四人以太醫院醫士充之凡收受四方貢獻
名藥及儲蓄藥奉御一人掌之凡供御
藥餌醫官就內局修製太醫院官診視

十四年改太

醫院設令丞吏目各一人屬官御醫四人俱如文職

授散官二十二年復改令為院使丞為院判嘉靖十

五年改御藥房為聖濟殿又設御藥庫詔御醫輪直

供事

南京太醫院院判吏目各一人惠民藥局生藥庫各大

使一人

又有醫學府正科一人州典科一人縣訓科一人洪武十七年置設官不給祿

上林署

臣等謹按馬端臨考宋以前有上林署至宋則第以四園苑提舉官附於後職官志則竟隸於司農寺所掌種植蔬蒔以待供進修飾亭宇以備游幸宴設亦猶遼史百官志無上林署之名而有兼養鳥獸官為監鳥獸詳衮司詳衮都監又有監鹿監

雉詳衮司則即上林署職也今考上林署則自金始

金上林署掌諸苑園池沼種植花木果蔬及承奉行幸舟船事官有提點令丞又直長二人

又有花木局都監同監

舊設接手官四人泰和元年罷四年置同樂園管勾兼熙

春園都監同監三人貞祐三年省

同樂園管勾二人每年額辦課程

隸南運司

宣宗南遷罷課政為隨朝職

元上林署掌宮苑栽植花草供進蔬果諸事官有令丞

直長各一人

至元二十四年置

又有養種園提領二人掌西山淘煤羊山燒造黑白

木炭以供修建之用

中統三年置

花園管勾二人掌花草

果木

至元二十四年置

苜蓿園提領三人掌種苜蓿以飼馬

駝膳羊

明上林苑監左右監正各一人左右監副各一人

監正
監副

不常設以
監丞署職

左右監丞各一人

其屬典簿廳典簿一人良牧蕃育林衡嘉蔬四署各
典署一人署丞二人錄事一人

監正掌苑囿園池牧畜樹種之事凡禽獸草木蔬果
率其屬督其養戶栽戶以時經理其養地栽地而畜
植之以供祭祀賓客官府之膳羞苑地東至白河西
至西山南至武清北至居庸關西南至渾河並禁圍
獵良牧牧牛羊豕蕃育育鵝鴨鷄皆籍其牝牡
之數而課孳卵馬林衡典果實花木嘉蔬典蒔

藝瓜菜皆計其町畦樹植之數而以時進焉

洪武二十五年議開上林院度地城南自牛首山接方山西並河涯北圖上太祖謂有妨民業遂止永樂五年始置上林苑監設良牧蕃育嘉蔬林衡川衡水鑑及典察左右前後十屬署洪熙中併為蕃育嘉蔬二署以良牧川衡併蕃育水鑑林衡併嘉蔬典察四署分併入宣德十年始定置四署正德間增設監督內臣共九十九人嘉靖元年裁汰八十人革蕃育嘉蔬二署典署林衡嘉蔬二署

錄事

通政使司

臣等謹按馬端臨考有進奏院

係六院之一謂又有檢院登聞鼓院

官誥院審記院糧料院也

始於唐及五代迄於宋南渡後具詳

職掌與今之通政使司為近考宋史則進奏院之前又有通進司隸給事中掌受三省樞密院六曹寺監百司奏牘文武近臣表疏及章奏房所領天下章奏案牘具事目進呈而頒布於中外其掌職

畧同進奏院特未詳其建置沿革耳今據其所載
進奏院為端臨考所未備者補錄於左

宋神宗熙寧四年詔應朝廷擢用才能賞功罰罪事可
懲勸者中書檢正樞密院檢詳官月以事狀錄付進奏
院謄報天下

至元祐初罷之紹聖元年詔如熙寧舊條靖康元年
二月詔諸邊監司帥守文字應邊防機密急切事許
進奏院直赴通進司投進

宋史職官志曰舊制通進銀臺司知司官二人兩制以上充通進司掌受銀臺司所領天下章奏案牘及閣門在京百司奏牘文武近臣表疏以進御然後頒布於外銀臺司掌受天下奏狀案牘抄錄其目進御發付勾檢糾其違失而督其淹緩發敕司掌受中書樞密院宣敕著籍以頒下之

遼有通進司

金有御院通進

元有詳定司

臣等謹按以上三條皆王圻續通考列於明通政使司之前者今考之史遼南面通進司官有左右

通進屬門下省

已見門下省門

未詳所掌金之御院通進

屬宣徽院

今移入鴻臚寺門

第掌諸進獻禮物及薦享編

次位序實非納言職也惟元之詳定使司擇四方獻言之善者以聞於上以所掌近於諫官已附御史臺後故通政司直從明始

明通政使司掌受內外章疏數奏封駁之事官有通政使左右通政騰黃右通政左右叅議各一人

其屬經歷司經歷知事各一人

凡四方陳情建言申訴寃滯或告不治等事於底簿內謄寫訴告緣由齎狀奏聞凡天下臣民實封入遞即於公廳啟視節寫副本然後奏聞即五軍六部都察院等衙門有事關機密重大者其入奏仍用本司印信凡諸司公文勘合辨驗允當編號注寫公文用

日照之記勘合用驗正之記關防之凡在外之題本
奏本在京之奏本並受之於早朝彙而進之有徑自
封進者則叅駁午朝則引奏臣民之言事者有機密
則不時入奏有違誤則籍而彙請凡抄發照駁諸司
公移及勘合訟牒勾提件數給繇人員月終類奏歲
終通奏凡議大政大獄及會推文武大臣必叅預

初洪武十年以曾秉正為通政使劉仁為左通政諭
之曰政猶水也欲其常通故以通政名官卿其審命

令以正石司達幽隱以通庶務當執奏者勿忌避當
駁正者勿阿隨當敷陳者毋隱蔽當引見者毋留難
十二年撥承敕監給事中殿廷禮儀司九關通事隸
馬

南京通政使司掌收呈狀付刑部審理官有通政使右
通政右叅議各一人又經歷一人

宣政院

臣等謹按馬端臨考不列宣政院其設官分職惟

元有之遼南面雖有宣政殿學士未詳所掌金與明俱不設也

元宣政院掌釋教僧徒及吐蕃之境而隸治之遇吐蕃有事則為分院往鎮亦別有印如天征伐則會樞府議其用人則自為選其為選則軍民通攝僧俗並用官有院使十人同知副使僉院各二人同僉院判各三人參議經歷各二人都事三人照磨管勾各一人

至元初立總制院而領以國師二十五年因唐制吐

蕃來朝見於宣政殿之故更名宣政院置院使同知副使叅議經歷各二人都事四人管勾照磨各一人二十六年置斷事官四人二十八年後增省不一天歷二年定置如前

所屬有大都上都規運提點所達魯噶齊等官又有都提舉資善庫掌錢帛之事上都利貞庫掌飲膳好事金銀諸物大濟倉監支納興教寺管房提領吐蕃等處宣慰司都元帥府洮州等元帥府吐蕃等處招

討使司松潘客疊威茂州等處軍民安撫使司等官
至至元六年又以宗禋院所轄四總管府并隆祥使
司俱改為規運提點所仍添置萬寧提點所並隸之
臣等謹按百官志宣政院所屬有客省使見客省
故不載若提點所等官則甚繁冗且都元帥府等
又重見迭出故但從其畧錄之如右

行宣政院官有院使同知副使各二人同僉院判各一
人首領官經歷二人都事知事照磨各一人

順帝元統二年革罷廣教總管府一十六處

廣教總管府互

詳僧道

官門

置行宣政院於杭州除官如此至元二年西

番寇起置行宣政院以額森特穆爾為院使往討之
至正二年江浙行宣政院設崇教所擬行中書省理
問官以理僧民之事

欽定續文獻通考卷五十六